



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis, Seu Resolutio Casuum Conscientiæ

Juxta Sacram Scripturam, Canones, Et Sanctos Patres

Continens Tractatus de Sacramentis Pœnitentiæ & Extremæ Unctionis;
necnon varia summorum Pontificum Decreta, contra Moralis corruptæ
propositiones, & alia

Genet, François

Parisiis, 1703

Q. 3. Satisfactio est-ne necessaria ad validitatem Sacramenti Pœnitentiæ?

urn:nbn:de:hbz:466:1-40817

dum arbitrium Sacerdotis : quæ quidem præcipue fit per orationem, jejunium, & eleemosynam.

Cujus rationem affert Divus Thomas, dum ait : *Dicendum quod Satisfactio debet esse talis per quam aliquid nobis subtrahamus ad honorem Dei. Nos autem non habemus nisi tria bona ; scilicet bona animæ, bona corporis, & fortunæ, scilicet exteriora ; ex bonis quidem fortunæ subtrahimus aliquid nobis per eleemosynam ; sed ex bonis corporalibus per jejunium ; ex bonis autem animæ non oportet quod aliquid subtrahamus à nobis quantum ad diminutionem ipsorum, quia per ea efficiuntur Deo accepti ; sed per hoc quod ea submittimus Deo totaliter, & hoc fit per orationem.*

Competit etiam iste numerus ex parte illa, quia satisfactio peccatorum causas excidit ; quia radices peccatorum tres ponuntur, primæ Joannis 2. *Concupiscentia carnis, concupiscentia oculorum, & superbia vitæ.* Et contra concupiscentiam carnis ordinatur jejunium ; contra concupiscentiam oculorum, eleemosyna ; contra superbiam vitæ, oratio, ut Augustinus dicit super Matth. Competit etiam quantum ad hoc quod satisfactionis est, peccatorum suggestionibus aditum non indulgere, quia omne peccatum vel in Deum committitur ; & contra hoc ordinatur oratio, vel in proximum, & contra hoc eleemosyna ; vel in nos ipsos, & contra hoc ordinatur jejunium.

Quest. 3. Satisfactio est-ne necessaria ad validitatem Sacramenti Pœnitentiæ ?

Resp. Docet Concilium Tridentinum intentionem satisfaciendi Deo pro peccatis, quantum per ejus gratiam possumus, omnino ne-

S. Tho. in
4. sentent.
dist. 15. q.
1. art. 4.
quæst. 3. in
corp.

84 TRACTATUS VI.

cessariam esse, ut eorum veniam consequamur, quoniam contritio hoc desiderium includit, ut supra ostendimus.

Certum est quoque actualem Pœnitentiam, quæ aliquam proportionem habeat cum enormitate peccatorum commissorum, necessariam esse ad eorum consequendam veniam, tum quoad culpam, tum quoad pœnam iis debitam.

Quocirca idem Concilium Tridentinum sic habet: *Contritio, Confessio, & Satisfactio, quatenus in Pœnitente ad integritatem Sacramenti, ad plenamque & perfectam peccatorum remissionem, ex Dei institutione requiruntur, hæc ratione Pœnitentiæ partes dicuntur.*

Idemque Concilium Tridentinum, sess. 14. cap. 2. ait: *Ad quam tamen novitatem, & integritatem per Sacramentum Pœnitentiæ sine magnis nostris fletibus, & laboribus, divinâ id exigente justitiâ, pervenire nequaquam possumus, ut merito Pœnitentiæ laboriosus quidam Baptismus à sanctis Patribus dictus fuerit.*

Nihilominus actualis satisfactio, absolute loquendo non est necessaria ad valorem Sacramenti. Ut enim habet idem Concilium Tridentinum: *Dicendum est Christiani hominis Pœnitentiæ post lapsum continere satisfactio- nem per jejunia, elemosynas, orationes, & alia pia spiritualis vitæ exercitia; non quidem pro pœna æterna, quæ vel Sacramento, vel Sacramenti voto unâ cum culpa remittitur; sed pro pœna temporali.*

Quest. 4. Prodest-ne plurimum Pœnitentibus, adire Confessores, qui illis injungant Pœnitentiâs gravitati peccatorum convenientes?